

Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Simplex, at pius iuuenis B. Virginem admodum videre desiderat, etiam cum oculorum iacturâ. Apparet Beata; is vnum claudit oculum, ne vtroque caret. Et vno tantùm orbatur, qui & ipsi tandem ...

[urn:nbn:de:hbz:466:1-70444](#)

Simplex, at pius iuuenis B. Virginem admodum videre desiderat, etiam cum oculorum iacturâ. Apparet Beata; ille unum claudit oculum, ne utroque careat. Et uno tantum orbatur, qui & ipsi tandem restituitur.

Ex Promptuario Ioannis Heroldi.

Fuit huicce dispar atque discolor seni
Iuuenis pudici pectoris, sed simplicis:
Amoeniores inter ille litteras,
Quas hauriebat, ut ferebat inopia,
Erat Deiparæ cultor ardentissimus.
Desiderius huic fortè nomen inditum est:
Si fortè non est inditum, nos indimus,
Et iure; namque is primulâ à pueritâ
Desiderarat, depoposcerat acrius,
Vigilque dormiensque missitauerat
Millena cælo tela, millenas preces,
Sibi ut liceret os Mariæ splendidum
Vel per minutæ rimulæ angustam viam
Oculisque connuentibus capessere.

Intuita ab astris Virgo pectus candidum,
Eò è supernis destinauit alitem
Rei futuræ nuntium, breui fore,
Ipsam ut fruendam luminibus habeat suis:
Sed quia corusci tantus oris est vigor,
Solem ut decore centuplo supermicet,
Prænuntiare iussit, & simul fore,

VI

Vt intuentis lumina imbecillia,
A luce, nigræ noctis in caliginem
Mergantur, inde captus vt oculis eat.
" Esto, ait: vt ora detur illa cernere,
" Prudens volensque & perlubens cœcutiam:
" Dummodo vel atomo temporis minusculo
" Fas mihi sit inspectare formosissimam,
" Nil moror. Abierat Ales, & subito grauis
Tædere iuuenem cœpit infortunij
Quod imminebat; pœnitere muneris
Crebro expetiti, & inquietab lacrymans:
" Quid me est futurum, vtroque si orber lumine,
" Visâ Parente Numinis? Qui litteras,
" Qui cœpta tandem studia prosequar mea?
" An velut Homerus alter, inflans tibiam,
" Vestibula ditum pauperumque deteram,
" Vt pauca Cereris frusta mendicus legam?
Nec dubius animi diu sui pependerat,
" Cum exclamat: Euge repperi, quo amoliar
" Meo periculum visui, & voto fruar:
" Cum lapsa cælo aduenerit Diuūm Parens,
" Ego cœgitatis præcauendæ gratiâ,
" Oculum recludens vnicum, claudam alterum,
" Tantiq[ue] fieri coclitem lubens emam.
Hoc igitur astu se præarmatum ratus,
Supplex ad aram, quam sibi (vt pueri solent)
Cubicularem struxerat, fundit preces.
Neque cœcidere in irritum, ô Desideri;
Ecce tibi derepentè promisso stetit,
Coram & precante Christipara se se stetit
Vultu (sat id dixisse) inenarrabili.
Stupore rigidus atque liquidus gaudio

Expli-

Explicit oculum, vt destinarat, vnicum:
 Sed explicabat, quantus ille, quantus est,
 Magis magisque; supplicabundus, sibi
 Vt hæc voluptas & decor durent diu,
 Et longa saturent vota. clausus interim
 Pruribat oculus alter, & vultum volens
 Aequè, vt sodalis, conspicari, palpebris
 Nictabat. Exin cœpit & iuuenem flagrans
 Cupido valvas nondum aperti luminis
 Pandere. Aperibat, mox & instar fulminis
 Præcipitis astra repetit astrorum decus.

Iam cassus illo, quo Beatam viderat,
 Deplorat, oculo quod pepercit alteri,
 Quod non & istum panderit properantiūs,
 Quo pleniusque puriusque cerneret.
 „ O si vel hilum id gaudij fieret redux!
 „ Oculis etsi totus, etsi oculus forem
 „ Totus, meipse panderem ac expanderem,
 „ Tanti decoris ut potiri iterum queam.
 „ Esto, esto; fierem cæcior talpâ sene,
 „ Qui fuerit annis mille subterraneus.
 (Tunc euibrato ad Virginem suspirio)
 „ O Mater, aure, quâ soles, audi preces,
 „ Palmasque cerne supplices, quo oculo soles.

Vix ea profatum rursus optatissimo
 Iuuenem beavit Diua conspectu sui.

Nil veritus oculum perdere hic superstitem,
 Iam penitus oculos, & labra, & frontem, & genas,
 Comamque contemplatur intentissimus,
 Et mersus hæret in voluptatis mari.
 Sed & hæc tuendo, is esse tandem desijt
 Horatiorum de Phalange Coelitum:

Oculo

Oculo rediuit sol suus desperito,
 Quando illa reuolans in suum cœli torum
 Voti reliquit lumenque compotem.
 „Tanti est Mariam colere, tanti feruere
 „Ardore puritatis integerrimo.

*Mercator gemmas falsas pro veris ven-
 dens Imperatoris Gallieni coniugi, ab eo
 punitur solo supplicij metu, dum in Am-
 phitheatro Caponi exponitur, loco ali-
 cius feræ.*

Ex Trebell. Poll.

DVm Gallieno Roma subdebat caput,
 Gyrouagus, aut ex Alpium conuallibus,
 Aut è Comensi forte quispiam lacu
 Mercator (illo de venustrorum gręge
 Qui defricandis se caminis deuouent,
 Quique super humeris oppidatim ligneum,
 In quo omnia & quædam alia, promptuarium
 Sudando, hiando, conquiescendo gerunt,
 Romam adiit, & mox Gallieni in atrio
 Genus omne merces, tænias, monilia,
 Specula puellis, fasciasque iuuenibus,
 Oculosque senibus, sed oculos exemptiles,
 Inde nutilantes sardios, iaspidas,
 Aliasque terræ clarioris filias
 Sub pergulâ patente venales dedit.
 Ilicet Ephebi, queis crumena obesior,
 Sua sibi quisque comparant cimelia:
 At queis crumena exanguis, hi sibi non sus

I

Et